

AD PRIMUM ergo dicendum, quod hoc quod aliqua relatio est inter creaturas ad invicem que in neutro extremon aliquid ponat, non est propter creaturam distantiam, sed propter hoc quod aliqua relatio non attenditur secundum ordinem aliquem qui sit in rebus, sed secundum ordinem qui est in intellectu tantum; quod non potest dici de ordine creaturarum ad Deum.

AD SECUNDUM dicendum, quod relationes ipsae non referuntur ad aliud per aliam relationem sed per seipsas, quia essentia litter relationes sunt. Non autem est simile de his quae habent substantiam absolutam; unde non sequitur processus in infinitum.

AD TERTIUM dicendum, quod Philosophus ibidem concludit, quod si omnia referantur ad optimum, oportet infinitum specie esse optimum. Et sic ad id quod est infinitum specie, nihil probetur infinita referri. Tale autem est Deus, cum perfectio sue substantiae ad nullum genus determinetur, ut supra habimus est. Et propter hoc nihil prohibet infinitas creaturas ad Deum referri.

AD QUARTUM dicendum, quod creatura refertur ad Deum secundum suam substantiam, sicut secundum causam relationis; secundum vero relationem ipsam formaliter; sicut aliquid dicitur simile secundum qualitatem causaliter, secundum similitudinem formaliter; ex hoc enim creatura similis denominatur.

AD QUINTUM dicendum, quod cum dicitur creatura immediate a Deo procedere, excluditur causa media creans; non tamen excluditur media realis habitat, quae naturaliter sequitur (1) ad productionem creaturæ, sicut aequalitas sequitur productionem quantitatis indeterminate: ita habitat realis creationis naturaliter sequitur ad productionem substantias creatas.

AD SEXTUM dicendum, quod creaturae sequuntur Dei scientiam sicut effectus causam, non sicut propriam rationem essendi, ut sic nihil aliud sit creaturam esse quam a Deo scribi. Hoc autem modo ponebant dientes omnia apparentia esse vera, et rem sequi opinionem et sensum, ut scilicet unicuique hoc esset esse quod ab alio sentiri vel opinari.

AD SEPTIMUM dicendum, quod ipsa relatio que nihil est aliud quam ordo unius creaturæ ad aliam illud habet in quantum est accidentis, et aliud, in quantum est relatio vel ordo. In quantum enim accidentis est, habet quod sit in subjecto, non autem in quantum est relatio vel ordo; sed solum quod ad aliud sit quasi in aliud transiens, et quodammodo rei relate assistens. Et ita relatio est aliquid inherens, licet non ex hoc ipso quod est relatio; sicut et actio ex hoc quod est actionis, consideratur ut ab agente; in quantum vero est accidentis

(1) *At ad productionem quantitatis indeterminate, alias omissis.*

consideratur ut in subjecto agente. Et ideo nihil prohibet quod esse desinat hujusmodi accidentis sine mutatione ejus in quo est: quia sua ratio non perficitur prout est in ipso subjecto, sed prout transit in aliud; quo sublatu, ratio hujus accidentis tollitur quidem quantum ad actuam, sed manet quantum ad causam; sicut et subtracta materia, tollitur calefactio, licet maneat calefactionis causa.

AD OCTAVUM dicendum, quod ens creatum non habet ordinem ad non ens, habet autem ordinem ad ens increatum; et ideo non est simile.

ARTICULUS X. — *Utrum Deus realiter referatur ad creaturam, ita quod ipsa relatio sit res aliqua in Deo.*

Decimo queritur, utrum Deus realiter referatur ad creaturam, ita quod ipsa relatio sit res aliqua in Deo. Et videtur quod sic. Movens enim realiter referatur ad motum; unde Philosophus, V Metaph. (com. x), ponit relationem moventis et moti ut species praedicamenti relationis. Sed Deus comparatur ad creaturam ut movens ad motum. Ergo referatur realiter ad creaturam.

2. Sed dicereatur, quod movet creaturas sine sui mutatione; et ideo non realiter referatur ad rem motam. — Sed contra, unum relative oppositorum, non est causa quod alterum dicatur de eodem: non enim propter hoc aliquid est duplum, quia est dimidium; nec ideo Deus est Pater, quia est Filius. Si ergo movens et motum relative dicuntur, non ideo relatio moventis est in aliquo, quia est in eo relatio moti. Quod ergo Deus non moveret non impedit quin realiter referatur ut movens ad motum.

3. Præterea, sicut Pater dat esse Filio, ita Creator dat esse creature. Sed Pater realiter referatur ad Filium. Ergo et Creator ad creaturam.

4. Præterea, ea que proprie dicuntur de Deo et non metaphorice, rem significatam ponunt in Deo. Sed inter ista nomina commemorat Dionysius hoc nomen *Dominus* (cap. i de div. Nom.). Ergo res significata per hoc nomen *Dominus*, realiter est in Deo. Haec autem est relatio ad creaturam. Ergo, etc.

5. Præterea, scientia realiter referatur ad scibile, ut patet V Metaph. (com. xx). Sed Deus comparatur ad res creatas ut sciens ad scitum. Ergo in Deo est aliqua relatio ad creaturam.

6. Præterea, illud quod movetur, semper habet realem relationem ad movens. Sed voluntas comparatur ad volitum ut ad movens motum: nam appetibile est movens non motum: appetitus movens motum, ut dicitur XII Metaph. (com. xxxvi). Cum ergo Deus velit res esse (*omnia enim quacunque voluit*

fecit; Psal. cxiii, 3; videtur quod realiter referatur ad creaturam.

7. Præterea, si Deus ad creaturas non referatur, non videtur esse alia ratio, nisi quia a creaturis non dependet, et quia creaturas excedit. Sed similiter corpora celestia a corporibus elementaribus non dependent, et ea quasi impropotionaliter excedunt. Ergo secundum hoc sequeretur quod nulla esset realis relatio corporum superiorum ad inferiora.

8. Præterea, omnis denominatio est a forma. Forma autem est aliquid inhærente ei cuius est. Cum ergo Deus nominetur a relationibus ad creaturam, videtur quod ipsæ relationes aliquid sint in Deo.

9. Præterea, proportio, quædam relatio realis est, sicut duplex ad dimidium. Sed aliqua proportio videtur esse Dei ad creaturam, cum inter movens et motum oporteat esse proportionem. Ergo videtur quod Deus ad creaturam realiter referatur.

10. Præterea, cum intellectus sint rerum similitudines, et voces sint signa rerum, ut dicit Philosophus (I Periherm., in princ.), alter ordinantur ista apud discipulum, et alter apud doctorem. Doctor enim incipit a rebus in quibus scientiam accipit in suo intellectu, cuius conceptiones voces signant: discipulus autem incipit a vocibus per quas in conceptiones intellectus magistri pervenit; et ab eis in rerum cognitionem. Oportet autem quod hujusmodi quæ de relationibus prædictis dicuntur, ab aliquo doctore sint prius accepta. Ergo apud eum hujusmodi nomina relativa consequuntur conceptiones intellectus sui, quæ consequuntur rem; et ita videtur quod hujusmodi relations sint reales.

11. Præterea, hujusmodi relativa quæ de Deo dicuntur ex tempore aut sunt relativa secundum esse, aut secundum dici. Si sunt relativa secundum dici, in neutro extremorum aliquid ponunt realiter. Hoc autem est falsum, secundum prædicta: nam in creature relata ad Deum realiter existunt. Relinquitur ergo quod sunt relativa secundum esse; et ita videtur quod in utroque extremorum aliquid ponant realiter.

12. Præterea, haec est natura relativorum, quod posito uno ponitur aliud, et uno interempto aliud interimitur. Si igitur in creature est aliqua realis relatio, oportet quod in Deo relatio ad creaturam sit realis.

Sed contra est quod Augustinus dicit, V. de Trin. (cap. xvi): *Manifestum est Deum relative dici secundum accidens ejus ad quod dici Deus aliquid incipit relative.* Ergo videtur quod istæ relations dicuntur de Deo, non secundum aliquid quod in ipso sit, sed secundum aliquid quod extra ipsum est; et ita nihil realiter in ipso ponunt.

Præterea, sicut scibile est mensura scientiæ, ita Deus est

mensura omnium rerum, ut Commentator dicit, X Metaph. Sed scibile non refertur ad scientiam per relationem quæ in ipso realiter sit, sed potius per relationem scientiæ ad ipsum, ut patet per Philosophum, V Metaph. (com. xx). Ergo videtur quod nec Deus dicatur relativa ad creaturam propter aliquam relationem quæ sit realiter in eo.

Præterea, Dionysius dicit (ix cap. de div. Nom.): *In causis et causatis non recipimus conversionem similitudinis: nam effectus dicitur similis cause, non autem e contrario.* Eadem autem ratio videtur de relatione similitudinis et de aliis relationibus. Ergo videtur quod nec quantum ad alias relations fiat conversio a Deo ad creaturam: ut quia creatura realiter refertur ad Deum, Deus realiter refertur ad creaturam.

Respondeo dicendum, quod relations quæ dicuntur de Deo ad creaturam, non sunt realiter in ipso. Ad cuius evidentiam sciendum est, quod cum relatio realis consistat in ordine unius rei ad rem aliam, ut dictum est; in illis tantum mutua realis relatio inventur in quibus ex utraque parte est eadem ratio ordinis unius ad alterum: quod quidem inventur in omnibus rationibus consequentibus quantitatim. Nam cum quantitas ratio sit ab omni sensibili abstracta, ejusdem rationis est quantitas in omnibus naturalibus corporibus. Et pari ratione qua unum habentium quantitatem realiter refertur ad alterum, et aliud ad ipsum. Habet autem una quantitas absolute considerata ad aliam ordinem secundum rationem mensure et mensurati, et secundum nomen totius et partis, et aliorum hujusmodi quæ quantitatim consequuntur. In relationibus autem quæ consequuntur actionem et passionem, sive virtutem activam et passivam, non est semper motus ordo ex utraque parte. Oportet namque id quod semper habet rationem patientis et moti, sive causati, ordinem habere ad agens vel movens, cum semper effectus a causa perficiatur, et ab ea dependeat: unde ordinantur ad ipsam sicut ad suum perfectivum. Agentia autem, sive moventia, vel etiam cause, aliquando habent ordinem ad patientia vel mota vel causata, in quantum scilicet in ipso effectu vel passione vel motu inducunt attenditur quoddam bonum et perfectio moventis vel agentis; sicut maxime patet in agentibus univocis quæ per actionem suæ speciei similitudinem inducent, et per consequens esse perpetuum proprie speciei, secundum quod est possibile, conservant. Patet hoc etiam idem in omnibus aliis quæ mota movent vel agunt vel causant; nam ex ipso suo motu ordinantur ad effectus producendos: et similiter in omnibus in quibus quocumque bonum causa provenit ex effectu. Quædam vero sunt ad quæ quidem alia ordinantur et non e converso, quia sunt omnino extrinseca ab illo genere actionum vel virtutum quas consequitur talis ordo; sicut patet quod scientia refertur ad scibile, quia sciens, per actum intelligibilem, ordinem habet ad rem scitam

quæ est extra animam. Ipsa vero res quæ est extra animam, omnino non attingitur a tali actu, cum actus intellectus non sit transiens in exteriore materiam mutantam; unde et ipsa res quæ est extra animam, omnino est extra genus intelligibilis. Et propter hoc relatio quæ consequitur actum intellectus, non potest esse in ea: et similis ratio est de sensu et sensibili. Licet enim sensible immutetur organum sensus in sua actione, et propter hoc habeat relationem ad ipsum, sicut et alia agentia naturalia ad ea quæ patiuntur ab eis, alteratio tamen organi non perficit sensum in actu, sed perficit per actum virtutis sensitiva: cuius sensible quod est extra animam, omnino est expers. Similiter homo comparatur ad columnam ut dexter, ratione virtutis motivæ quæ est in homine, secundum quam competit ei dextrum et sinistrum, ante et retro, sursum et deorsum. Et ideo hujusmodi relationes in homine vel animali reales sunt, non autem in re quæ tali virtute caret. Similiter numerus (1) est extra genus illius actionis quam fit pretium; quæ est convenit inter aliquos homines facta: homo etiam est extra genus artificialium actionum, per quas sibi imago constituitur. Et ideo nec homo habet relationem realem ad suam imaginem, nec numerus ad pretium, sed et contrario. Deus autem non agit per actionem medianam, quæ intelligitur a Deo procedens, et in creaturam terminata: sed sua actio est sua substantia; et quidquid in ea est, est omnino extra genus esse creati, per quod creatura referatur ad Deum. Nec iterum aliud bonum accrescit Creatori ex creaturæ productione; unde sua actio est maxime liberalis, ut Avicenna dicit (VIII Metaph., cap. vii, a. med.). Patet etiam quod non movetur ad hoc quod agat, sed absque omni sua mutatione mutabilia facit. Unde refluxit quod in ea non est aliqua relatio realis ad creaturam, licet sit relatio creature ad ipsum, sicut effectus ad causam. In hoc autem deficit multipliciter Rabbi, qui volunt probare quod non esset relatio inter Deum et creaturam, quia cum Deus non sit corpus, non habet relationem ad tempus nec ad locum. Consideravit enim solam relationem quæ consequitur quantitatem, non eam quæ consequitur actionem et passionem.

Ad PRIMUM ergo dicendum, quod movens et agens naturale movet et agit actione vel moto medio, qui est inter movens et motum, agens et passum. Unde oportet quod saltem in hoc medio conveniant agens et patiens, movens et motum. Et sic agens in quantum est agens, non est extraneum a genere patientis in quantum est patiens. Unde utriusque est realis ordo unius ad alterum, et præcipue cum ipsa actio media sit quedam perfectio propria agentis; et per consequens id ad quod terminatur actio, est bonum ejus. Hoc autem in Deo non contingit, ut dictum est; et ideo non est simile.

(1) AL. numerus.

AD SECUNDUM dicendum, quod hoc quod movens movetur, non est causa quare relatio moventis in eo sit realiter, sed signum quoddam. Ex hoc enim apparet quod aliquo modo coincidit in genus moti, ex quo et ipsum movet motum; et iterum apparet quod ipsum ad quod movetur, sit quoddam bonum ejus, ex quo ad hoc per suum motum ordinatur.

AD TERTIUM dicendum, quod pater dat esse filio (1) sui generis, cum sit agens univocum; non autem tale esse dat Deus creaturæ; et ideo non est simile.

AD QUARTUM dicendum, quod hoc nomen, *Dominus*, tria in suo intellectu includit; scilicet potentiam coercendi subditos, et ordinem ad subditos qui consequitur talēm potestatē, et terminatiōnē ordinis subditorum ad dominum; in uno enim relativō est intellectus alterius relativi. Salvator ergo hujus significatiō nominis in Deo quantum ad primum et tertium, non autem quantum ad secundum. Unde Ambrosius dicit (lib. I de Fide, cap. i, circa med.), quod hoc nomen, *Dominus*, nomen est potestatis; et Boetius dicit, quod dominum est potestas quædam qua servus coercetur.

AD QUINTUM dicendum, quod scientia Dei altera comparatur ad res quam scientia nostra; comparatur enim ad eas sicut et causa et mensura. Tales enim res sunt secundum veritatem, quales Deus sua scientia eas ordinavit. Ipsæ autem res sunt causa etymologiae scientiæ nostræ. Unde sicut et scientia nostra referatur ad res realiter, et non et contrario; ita res referuntur realiter ad scientiam Dei, et non et contrario. Vel dicendum, quod Deus intelligit res alias intelligendo se; unde relatio divinae scientiæ non est ad res directe, sed ad ipsam divinam essentiam.

AD SEXTUM dicendum, quod appetibile quod movet appetitum, est finis; ea vero quæ sunt ad finem non movent appetitum nisi ratione finis. Finis autem divinæ voluntatis non est aliquid aliud quam divina bonitas. Unde non sequitur quod res alias comparentur ad divinam voluntatem sicut movens ad motum.

AD SEPTIMUM dicendum, quod corpora coelestia referuntur realiter ad inferiora secundum relationes consequentes quantitatē, propter hoc quod est eadem ratio quantitatis in utriusque; et iterum quantum ad relationes consequentes virtutem activam et passivam, quia movent motu per actionem medium quæ non est eorum substantia, cum aliquod bonum ipsorum attendatur in hoc quod sunt inferiorum causa.

AD OCTAVUM dicendum est, quod illud a quo aliiquid denominatur, non oportet quod sit semper forma secundum rei naturam; sed sufficit quod significetur per modum formæ, grammaticæ loquendo. Denominatur enim homo ab actione et ab indu-

(1) AL. causa.

mento, et ab aliis hujusmodi, que realiter non sunt formæ.

AD NONUM dicendum, quod si proportio intelligatur aliquis determinatus excessus, nulla est Dei ad creaturam proportio. Si autem per proportionem intelligatur habitudo sola, sic patet quod est inter Creatorem et creaturam; in creatura quidem realiter, non autem in Creadore.

AD DECIMUM dicendum, quod licet doctor incipiat a rebus, tamen alio modo recipiuntur rerum conceptiones in mente doctoris quam sint in natura rei, quia unumquodque recipitur in altero per modum recipientis; patet enim quod conceptiones in mente doctoris sunt immaterialiter, et materialiter in natura.

AD UNDECIMUM dicendum, quod distinctio ista relativorum secundum esse et secundum dici, nihil facit ad hoc quod sit relatio realis. Quedam enim sunt relativa secundum esse que non sunt realia, sicut dextrum et sinistrum in columna; et quedam sunt relativa secundum dici, que tamen important relations reales, sicut patet de scientia et sensu. Dicuntur enim relativa secundum esse, quando nomina sunt imposita ad significandas ipsas relations: relativa vero secundum dici, quando nomina sunt imposita ad significandas qualitates vel aliquid hujusmodi principaliter, ad quas tamen consequuntur relations. Nec quantum ad hoc differt, utrum sint relations reales vel rationis tantum.

AD ULTIMUM dicendum, quod licet posito uno relativorum ponatur aliud, non tamen oportet quod eodem modo ponatur utrumque; sed sufficit quod unum ponatur secundum rem, et aliud secundum rationem.

ARTICULUS XI. — Utrum istae relationes temporales sint in Deo secundum rationem.

Undecimo queritur, utrum istae relationes temporales sint in Deo secundum rationem. Et videtur quod non. Ratio enim cui non respondet res, est cassa et vana, sicut Boetius dicit (sup. proem. Porphyrii in predicibilia, aliquant. ante finem). Sed istae relationes non sunt in Deo secundum rem, ut ex predictis patet. Esset ergo ratio cassa et vana, si essent in Deo secundum rationem.

2. Præterea, que sunt secundum rationem tantum, non attribuuntur rebus nisi secundum quod sunt in intellectu, sicut genus et species et ordo. Sed hujusmodi relations temporales non attribuuntur Deo secundum quod est in intellectu nostro tantum; sic enim nihil esset dictu, Deus est Dominus, quoniam Deus intelligitur creaturis præesse, quod patet esse falsum. Ergo hujusmodi relations non sunt secundum rationem in Deo.

3. Præterea, hoc nomen, *Dominus*, relationem significat, cum sit relativum secundum esse. Sed Deus est Dominus non secundum rationem tantum. Ergo nec hujusmodi relations sunt in Deo secundum rationem tantum.

4. Præterea, nullo intellectu creato existente, Deus adhuc esset Dominus et Creator. Non autem essent res rationis nullo intellectu creatae existente. Ergo *Dominus* et *Creator* et hujusmodi non important relations rationis tantum.

5. Præterea, id quod est secundum rationem nostram tantum, non fuit ab eterno. Sed aliquæ relations Dei ad creaturam fuerunt ab eterno, sicut relations importatae in nomine scientie et prædestinationis. Ergo hujusmodi relations non sunt in Deo secundum rationem tantum.

Sed contra est quod nomina significant rationes sive intellectus, ut dicitur in principio Periber. Constat autem ista nomina relative dici. Ergo oportet hujusmodi relations secundum rationem esse.

Respondeo dicendum, quod sicut realis relatio consistit in ordine rei ad rem, ita relatio rationis consistit in ordine intellectum; quod quidem dupliceiter potest contingere. Uno modo secundum quod iste ordo est adinventus per intellectum, et attributus ei quod relative dicitur; et hujusmodi sunt relations que attribuuntur ab intellectu rebus intellectis, prout sunt intellecte, sicut relatio generis et speciei; has enim relations ratio adinvenit considerando ordinem ejus quod est in intellectu ad res que sunt extra, vel etiam ordinem intellectum ad invicem. Alio modo secundum quod hujusmodi relations consequuntur modum intelligendi, videlicet quod intellectus intelligit aliquid in ordine ad aliud; licet illum ordinem intellectus non adinveniat, sed magis ex quadam necessitate consequatur modum intelligendi. Et hujusmodi relations intellectus non attribuit ei quod est in intellectu, sed ei quod est in re. Et hoc quidem contingit secundum quod aliqua non habentur secundum se ordinem, ordinate intelliguntur; licet intellectus non intelligat ea habere ordinem, quia sic esset falsus. Ad hoc autem quod aliqua habeant ordinem, oportet quod utrumque sit ens, et utrumque distinctum (quia ejusdem ad seipsum non est ordo) et utrumque ordinabile ad aliud. Quandoque autem intellectus accipit aliquam duo ut entia, quorum alterum tantum vel neutrum est ens; sicut cum accipit duo futura, vel unum praesens et aliud futurum, et intelligit unum cum ordine ad aliud, dicens alterum esse prius altero; unde istae relations sunt rationis tantum, utpote modum intelligendi consequentes. Quandoque vero accipit unum ut duo, et intelligit ea cum quadam ordine; sicut cum dicatur aliquid esse ideam sibi: et sic talis relatio est rationis tantum. Quandoque vero accipit aliqua duo ut ordinabilia ad invicem, inter quæ non est ordo medius, immo alterum ipsorum essentialiter est ordo; sicut cum dicit relationem accidere subiecto; unde talis relatio relationis ad quodcumque aliud rationis est tantum. Quandoque vero accipit aliquid cum ordine ad aliud, inquantum est terminus ordinis alterius ad ipsum, licet

ipsum non ordinetur ad aliud: sicut accipiendo scibile ut terminum ordinis scientiae ad ipsum; et sic cum quadam ordine ad scientiam, nomen scibilis relative significat; et est relatio rationis tantum. Et similiter aliqua nomina relative Deo attributum intellectus noster, in quantum accipit Deum ut terminum relationum creaturarum ad ipsum; unde hujusmodi relationes sunt rationis tantum.

AD PRIMUM ergo dicendum, quod in hujusmodi relationibus aliquid respondeat ex parte rei, scilicet relatio creaturæ ad Deum. Sicut enim scibile dicitur relative, non quia ipsum referatur ad scientiam, sed quia scientia referatur ad ipsum, ut habetur V Metaph. (com. xx), ita Deus dicitur relative, quia creature referuntur ad ipsum.

AD SECUNDUM dicendum, quod ratio illa procedit de illis relationibus rationis quæ sunt per rationem inventæ, et rebus in intellectu existentibus attributæ. Tales autem non sunt relationes istæ, sed consequentes modum intelligendi.

AD TERTIUM dicendum, quod sicut aliquis est idem sibi realiter, et non solum secundum rationem, licet relatio sit secundum rationem tantum, propter hoc quod relationis causa est realis, scilicet unitas substantiae quam intellectus sub ratione intelligit: ita potestas coercendæ subditus est in Deo realiter, quam intellectus intelligit in ordine ad subditos propter ordinem subditorum ad ipsum: et propter hoc dicitur Dominus realiter, licet relatio sit rationis tantum. Et eodem modo apparet quod Dominus esset, nullo existente intellectu.

Unde patet solutio AD QUARTUM.

AD QUINTUM dicendum, quod relatio scientie Dei ad creaturam non est primo et per se, ut dictum est prius, in corp. art., sed ad essentiam Creatoris, per quam Deus omnia scit.

QUÆSTIO VIII

DE HIS QUÆ RELATIVE DICUNTUR DE DEO AB ÆTERNO

(Et habet articulos quatuor.)

Primo enim queritur, utrum relations dictæ de Deo ab Æterno, quæ importuantur his nominibus *Pater* et *Filius*, sint relations reales vel rationis tantum; 2º utrum relatio in Deo sit eius substantia; 3º utrum relations constituent et distinguant personas et hypostases; 4º utrum remota relatio secundum intellectum, remaneat hypostasis in divinis.

ARTICULUS PRIMUS. — *Utrum relations dictæ de Deo ab Æterno, sint relations reales, vel rationis tantum.* (I Sent., dist. xxvi, quest. ii, art. 1, et dist. xxxiii, art. 1; et IV cont. Gent., cap. xiv.)

Quæstio est de his quæ relative dicuntur de Deo ab Æterno. Et primo queritur, utrum relations dictæ de Deo ab Æterno que importuantur his nominibus *Pater* et *Filius*, sint relations reales vel rationis tantum. Et videtur quod non sint reales. Quia, ut dicit Damascenus (in I lib. orth. Fidei, cap. xi), *in substantiali Trinitate commune quidem et unum re consideratur cognitione vero et intellectu est quod diversum vel distinctum est.* Sed distinctio personarum fit per relations. Ergo relations in divinis sunt rationis tantum.

2. Præterea, Boetus dicit (in lib. de Trinit., circ. fin.): *Similis est relatio Patris ad Filium in Trinitate, et utriusque ad Spiritum sanctum, ut ejus quod est idem ad id quod idem est.* Sed relatio identitatis est rationis tantum. Ergo et relatio paternitatis et filiationis.

3. Præterea, in Deo ad creaturam non est relatio realis, propter hoc quod Deus sine mutatione creaturas producit, ut Augustinus dicit (in V de Trin., cap. xvi). Sed multo magis sine mutatione producunt Pater Filium, et Filius procedit a Patre. Ergo non est aliqua realis relatio Patris ad Filium in divinis, vel e contrario.

4. Præterea, ea que non sunt perfecta, Deo non attribuuntur, sicut privatio, materia et motus. Sed relatio inter omnia entia habet debitum esse, intantum quod eam quidam aestimaverunt de secundis intellectus, ut patet per Commentatorem (XI Metaph., com. xix). Ergo in Deo esse non potest.

5. Præterea, omnis relatio in creaturis compositionem facit cum eo cuius est relatio; non enim potest una res alteri inesse sine compositione. Sed in Deo nulla compositione esse potest. Ergo in eo non potest esse realis relatio.

6. Præterea, simplicissima seipsi differunt. Sed divinae persona sunt simplicissimæ. Ergo seipsi differunt, et non per relations alias; ergo non oportet relations in Deo ponere, cum ad nihil aliud ponantur nisi ad distinguendas personas.

7. Præterea, sicut relations sunt proprietates personarum divinarum, ita attributa absoluta sunt proprietates essentialiæ. Sed attributa absoluta sunt in Deo secundum rationem tantum. Ergo relations sunt in Deo secundum rationem et non reales.

8. Præterea, perfectum est cui nihil deest, ut dicitur III Phys. (com. LXIII et LXIV). Sed substantia divina est perfectissima. Ergo nihil quod ad perfectionem pertineat, ei deest. Superfluum est ergo ponere relations in Deo.

9. Præterea, cum Deus sit summum rerum principium et